



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEÇA KOSOVA

Numri i lëndës: KSC-BC-2020-06

Vendosi: Gjykatësi i Procedurës Paraprake
Gjykatës Nikola Giju

Administratore: Dr. Fidelma Donlon

Data: 19 tetor 2020

Gjuha: Anglishte

Klasifikimi: Rreptësisht konfidencial dhe *ex parte*

Urdhër për Caktimin e Datës së Synuar për Nxjerrjen e Vendimit sipas Nenit 39(2)

Prokurorit të Specializuar

Xhek Smith

GJYKATËSI I PROCEDURËS PARAPRAKE,¹ në përputhje me nenin 39(2) të Ligjit nr. 05/L-053 për Dhomat e Specializuara dhe Zyrën e Prokurorit të Specializuar (“Ligji”) dhe rregullën 85(5) të Rregullores së Procedurës dhe të Provave para Dhomave të Specializuara të Kosovës (“Rregullorja”), lëshon urdhrin e mëposhtëm.

I. HISTORIKU PROCEDURAL

1. Më 24 prill 2020, Zyra e Prokurorit të Specializuar (“ZPS”) dorëzoi për konfirmim një aktakuzë rreptësisht konfidenciale dhe *ex parte* (“Aktakuza”), së bashku me materialin provues mbështetës si dhe një përmbledhje të detajuar në të cilën tregohet lidhja e secilës provë me secilën akuzë.²

2. Më 28 maj 2020, ZPS-ja kërkoi, ndër të tjera, (i) lëshimin e fletarrestimeve për Hashim Thaçin (“z. Thaçi”), Kadri Veselin (“z. Veseli”), Rexhep Selimin dhe Jakup Krasniqin (bashkërisht “të dyshuarit”) dhe urdhrave përkatës të transferimit; dhe (ii) mosnxjerrjen e përkohshme të Aktakuzës, dokumenteve shoqëruese dhe identiteteve të dëshmitarëve dhe viktimave.³

¹ KSC-BC-2020-06, F00001, Kryetarja, *Vendim për Caktimin e Gjykatësit të Procedurës Paraprake*, 23 prill 2020, publik.

² KSC-BC-2020-06, F00002, Prokurori i Specializuar, *Parashtrim i Aktakuzës për Konfirmim*, 24 prill 2020, rreptësisht konfidencial dhe *ex parte*, me shtojcat 1-3, rreptësisht konfidenciale dhe *ex parte*.

³ KSC-BC-2020-06, F00005, Prokurori i Specializuar, *Kërkesë për Lëshimin e Fletarrestimeve dhe Urdhrave në lidhje me to*, 28 maj 2020, rreptësisht konfidenciale dhe *ex parte*, me shtojcat 1-3, rreptësisht konfidenciale dhe *ex parte*.

3. Më 17 qershor 2020, me kërkesë të ZPS-së,⁴ Gjykatësi i Procedurës Paraprake nxori vendimin për autorizimin e dorëzimit të materialit mbështetës shtesë dhe të përmbledhjes së detajuar të përditësuar.⁵

4. Më 23 qershor 2020, Gjykatësi i Procedurës Paraprake autorizoi kërkesën e Prokurorit të Specializuar⁶ për nxjerrjen publike të informacionit në vijim nga Aktakuza: (i) identitetet e z. Thaçi dhe z. Veseli si të dyshuar për të cilët ishin ngritur akuza; dhe (ii) numrin e akuzave, cilësimin ligjor dhe llojin e krimeve të pretenduara, numrin e përafërt të viktimave të identifikuara dhe përkatësinë ose kombësinë e tyre.⁷

5. Më 2 korrik 2020, Gjykatësi i Procedurës Paraprake i kërkoi ZPS-së që (i) të përgatiste një aktakuzë të rishikuar dhe të përfshinte një paraqitje të detajuar të fakteve, ku të bënte një përshkrim më konkret të pretendimeve faktike për secilën vepër penale të pretenduar; dhe (ii) të ngrinte akuza kundër katër të dyshuarve vetëm në bazë të neneve 13, 14 dhe 16 të Ligjit.⁸

6. Më 24 korrik 2020, ZPS-ja dorëzoi një aktakuzë të rishikuar për konfirmim (“Aktakuza e Rishikuar”).⁹

⁴ KSC-BC-2020-06, F00006, Prokurori i Specializuar, *Kërkesë për Paraqitjen e Materialeve Mbështetëse Shtesë*, 2 qershor 2020, rreptësisht konfidenciale dhe *ex parte*, me shtojcat 1-2, rreptësisht konfidenciale dhe *ex parte*.

⁵ KSC-BC-2020-06, F00007, Gjykatësi i Procedurës Paraprake, *Vendim mbi Kërkesën e Prokurorit të Specializuar për Paraqitjen e Materialit Mbështetës Shtesë*, 17 qershor 2020, rreptësisht konfidencial dhe *ex parte*, para. 10.

⁶ KSC-BC-2020-06, F00008, Prokurori i Specializuar, *Kërkesë Urgjente për Autorizim për Nxjerrje Informacioni në lidhje me Aktakuzën*, 23 qershor 2020, rreptësisht konfidenciale dhe *ex parte*.

⁷ KSC-BC-2020-06, F00009, Gjykatësi i Procedurës Paraprake, *Vendim mbi Kërkesën Urgjente të Prokurorit të Specializuar*, 23 qershor 2020, rreptësisht konfidencial dhe *ex parte*, para. 4, 9.

⁸ KSC-BC-2020-06, F00010, Gjykatësi i Procedurës Paraprake, *Urdhër Prokurorit të Specializuar në pajtim me Rregullën 86(4) të Rregullores*, 2 korrik 2020, rreptësisht konfidencial dhe *ex parte*, para. 22-23, 26, 27(a)-(b).

⁹ KSC-BC-2020-06, F00011, Prokurori i Specializuar, *Parashtrim i Aktakuzës së Rishikuar për Konfirmim*, 24 korrik 2020, rreptësisht konfidencial dhe *ex parte*, me shtojcën 1 (“Aktakuza e Rishikuar”), rreptësisht konfidenciale dhe *ex parte*.

7. Më 29 korrik 2020, ZPS-ja paraqiti një kërkesë të dytë për autorizimin e dorëzimit të materialit mbështetës shtesë.¹⁰ Më 30 korrik 2020, Gjykatësi i Procedurës Paraprake autorizoi dorëzimin e materialit mbështetës shtesë dhe urdhëroi dorëzimin e një përmbledhjeje të detajuar plotësuese.¹¹ ZPS-ja dorëzoi atë më 12 gusht 2020.¹²

8. Më 18 shtator 2020, Gjykatësi i Procedurës Paraprake i kërkoi ZPS-së të sqaronte mospërputhjet ndërmjet Aktakuzës së Rishikuar dhe përmbledhjes së detajuar në lidhje me disa vendndodhje dhe persona dhe, sipas nevojës, të dorëzonte një aktakuzë të rishikuar për herë të dytë.¹³ ZPS-ja i dorëzoi këto sqarime më 24 shtator 2020, duke shtuar se nuk synonte të dorëzonte një aktakuzë të rishikuar për herë të dytë.¹⁴

II. DISPOZITAT LIGJORE PËRKATËSE

9. Sipas rregullës 85(5) të Rregullores, data e parashikuar për vendimin e Gjykatësit të Procedurës Paraprake për konfirmimin ose hedhjen poshtë të një aktakuze është, në varësi të veçorive të çështjes, jo më vonë se gjashtë muaj nga dorëzimi i aktakuzës dhe i gjithë materialit mbështetës.

¹⁰ KSC-BC-2020-06, F00012, Prokurori i Specializuar, *Kërkesë e Dytë për Paraqitjen e Materialit Mbështetës Shtesë*, 29 korrik 2020, rreptësisht konfidenciale dhe *ex parte*.

¹¹ KSC-BC-2020-06, F00013, Gjykatësi i Procedurës Paraprake, *Vendim i Dytë mbi Kërkesën e Prokurorit të Specializuar për Paraqitjen e Materialit Mbështetës Shtesë*, 30 korrik 2020, rreptësisht konfidencial dhe *ex parte*.

¹² KSC-BC-2020-06, F00014, Prokurori i Specializuar, *Parashtrim i Përmbledhjes së Detajuar Plotësuese sipas Rregullës 86(3)(b)*, 12 gusht 2020, rreptësisht konfidencial dhe *ex parte*, me shtojcën 1, rreptësisht konfidenciale dhe *ex parte*.

¹³ KSC-BC-2020-06, F00016, Gjykatësi i Procedurës Paraprake, *Urdhër i Dytë drejtuar Prokurorit të Specializuar në pajtim me Rregullën 86(4) të Rregullores*, 18 shtator 2020, rreptësisht konfidencial dhe *ex parte*.

¹⁴ KSC-BC-2020-06, F00018, Prokurori i Specializuar, *Parashtrim në bazë të Urdhrit KSC-BC-2020-06/F00016*, 24 shtator 2020, rreptësisht konfidencial dhe *ex parte*.

III. PËRCAKTIMI I DATËS SË SYNUAR

10. Vendimi i Gjykatësit të Procedurës Paraprake për të konfirmuar ose hedhur poshtë një aktakuzë kushtëzohet nga versioni përfundimtar (i rishikuar) i asaj aktakuze dhe nga tërësia e materialit mbështetës dhe i gjithë informacioni dhe parashtrimet e tjera përkatëse të ZPS-së. Vetëm pas kësaj Gjykatësi i Procedurës Paraprake disponon me të gjitha parashtrimet, materialin dhe informacionin e nevojshëm për marrjen e vendimit sipas nenit 39(2) të Ligjit. Rrjedhimisht, afati gjashtëmuajor i përcaktuar në rregullën 85(5) të Rregullores duhet të fillojë vetëm pas këtij momenti. Në këtë çështje gjyqësore, kjo do të thotë se afati prej gjashtë muajsh ka filluar më 12 gusht 2020, që është data kur ZPS-ja dorëzoi përmbledhjen e detajuar plotësuese.

11. Megjithatë, për të siguruar zhvillim të shpejtë të procedurave gjyqësore, Gjykatësi i Procedurës Paraprake vendos që të nxjerrë vendimin sipas nenit 39(2) të Ligjit para këtij afati.

IV. VENDIM

12. Gjykatësi i Procedurës Paraprake:

VENDOS që vendimi sipas nenit 39(2) të Ligjit do të nxirret të hënën, më 26 tetor 2020.

_____/nënshkrimi/____

Gjykatës Nikola Giju

Gjykatës i Procedurës Paraprake

E hënë, 19 tetor 2020

Në Hagë, Holandë.